

## Ministarstvo privrede

Na osnovu člana 17. stav (3) Zakona o šumama Kantona Sarajevo ("Službene novine Kantona Sarajevo", broj 5/13), ministar privrede Kantona Sarajevo donosi

### PRAVILNIK

#### O USLOVIMA KOJE MORAJU ISPUNJAVATI IZVOĐAČI RADOVA U ŠUMARSTVU

##### Član 1. (Predmet)

Ovim pravilnikom propisuju se uslovi koje mora ispunjavati registrovano pravno i fizičko lice koje izvodi radove u šumarstvu (u daljem tekstu: Izvođač radova) i pravno lice za obavljanje stručnih poslova u privatnim šumama.

##### DIO PRVI - RADOVI U ŠUMARSTVU

##### Član 2. (Izvođač radova u šumarstvu)

Izvođač radova u šumarstvu je pravno lice i fizičko lice koje je registrovano za obavljanje djelatnosti u šumarstvu i koje posjeduje saglasnost Ministarstva privrede Kantona Sarajevo (u daljem tekstu: Ministarstvo).

##### Član 3. (Radovi u šumarstvu)

Radovi u šumarstvu za čije je izvođenje potrebno pribaviti saglasnost Ministarstva o ispunjenosti minimalnih uslova za izvođenje radova su:

- šumsko-uzgojni radovi (priprema zemljišta za prirodno podmlađivanje, pošumljavanje sjetvom sjemena i sadnjom sadnica, njega kultura i sastojina),
- iskorištavanje šuma (sječa i izrada šumskih drvnih sortimenata, privlačenje i iznos od panja do kamionskog puta) i
- održavanje i izgradnja šumskih komunikacija i pratećih objekata.

##### Član 4. (Saglasnost)

- Izvođenje radova u šumarstvu može obavljati izvođač radova pod uslovom da je stručno i tehničko-tehnološki osposobljen u pogledu izvođenja radova i da upošljava odgovarajući broj stručnih kadrova.
- Bez rješenja o davanju saglasnosti koje donosi Ministarstvo izvođač ne može učestvovati na licitacijama za ustupanje i izvođenje radova u šumarstvu.
- Rješenje iz stava (2) ovog člana Ministarstvo donosi na osnovu mišljenja stručne komisije, formirane od strane ministra privrede Kantona Sarajevo.
- Izvođač radova je dužan da za period iz stava (3) ovog člana obezbjedi održavanje ispunjavanja uslova iz stava (1) ovog člana, a nadzor u pogledu održavanja uslova provodit će Kantonalna uprava za inspeksijske poslove - Šumarska inspekcija (u daljem tekstu: Šumarska inspekcija).

##### Član 5. (Stručno obrazovanje)

Izvođači radova koji obavljaju radove u šumarstvu, u skladu sa članom 3. ovog pravilnika, moraju imati stalno uposlene radnike koji za obavljanje radova u šumarstvu imaju najmanje stručno obrazovanje kako slijedi:

- Za šumsko-uzgojne radove i radove na iskorištavanju šuma: jedan diplomirani inženjer šumarstva/Magistar šumarstva ili Bachelor/Bakalaureat šumarstva sa dvije godine radnog staža u struci ili jedan šumarski tehničar sa pet godina radnog staža u struci, po jednog kvalificiranog radnika za svako mehanizovano sredstvo s kojim se izvode radovi i odgovarajući broj PK i NK radnika.

- Za održavanje i gradnju šumskih komunikacija i pratećih objekata: jedan diplomirani inženjer: šumarstva/Magistar ili Bachelor/Bakalaureat šumarstva ili građevinarstva/Magistar ili Bachelor/Bakalaureat građevinarstva sa dvije godine radnog staža u struci ili jedan tehničar: šumarski ili građevinski sa pet godina radnog staža u struci, po jednog kvalificiranog radnika (rukovaoca) za svako mehanizovano sredstvo pri izvođenju radova i odgovarajući broj PK i NK radnika.

##### Član 6. (Mjere zaštite na radu)

Izvođač radova je obavezan obezbijediti mjere zaštite na radu u skladu sa propisima iz oblasti zaštite na radu i protivpožarne zaštite i obavezan je sprovesti adekvatnu obuku uposlenih.

##### Član 7. (Dokumentacija)

Uz zahtjev za izdavanje saglasnosti, podnosilac zahtjeva dužan je dostaviti dokaze o:

- registraciji u nadležnom sudu ili općini,
- upisu u registar poreskih obveznika - JIB,
- stalno uposlenim radnicima - obrazac M-2,
- stručnoj osposobljenosti uposlenih,
- vlasništvu nad sredstvima za rad i
- tehničkoj ispravnosti sredstava za rad.

##### Član 8. (Stručna sprema za izvođače radova)

- Izvođači radova o ispunjavanju uslova u pogledu stručne sprema iz člana 5. ovog pravilnika dokazuju:
  - za visoku i srednju stručnu spremu prilaganjem diplome, odnosno svjedočanstva od nadležne institucije za obrazovanje;
  - za kvalificirane radnike (rukovaoca) prilaganjem diplome ili svjedočanstva od nadležne institucije ili uvjerenja o stručnoj osposobljenosti izdato u skladu sa važećim propisima za tu oblast.
- Tehničko-tehnološku opremljenost izvođači radova dokazuju sa uredno popunjenim listama sredstava rada i dokumentima o tehničkoj ispravnosti mehaniziranih sredstava s kojima se izvode radovi.

##### Član 9. (Ustupanje i ugovaranje radova)

- Kantonalno javno preduzeće za gospodarenje državnim šumama "Sarajevo-šume" d.o.o. Sarajevo i Kantonalna javna ustanova za zaštićena prirodna područja Kantona Sarajevo koja gospodare državnim šumama i šumskim zemljištem (u daljem tekstu: korisnici šuma) dužni su da u fazi ustupanja i ugovaranja izvođenja radova u šumarstvu, putem javnog poziva zahtjevati od izvođača radova dokaz o ispunjavanju uslova iz člana (2) ovog pravilnika.
- Izvođači radova koji, prema odredbama ovog pravilnika, imaju saglasnost ne mogu za izvođenje ugovorenih radova u šumarstvu (izuzev primicanja, izvlačenja i iznosa šumskih drvnih sortimenata od panja do kamionskog puta animalnom zapregom, odnosno tovarnim konjima) angažovati, kao podizvođače, preduzeća i druga pravna lica koja ne posjeduju saglasnost.
- U slučaju da izvođač radova angažuje fizičko lice za izvlačenje i iznos šumskih drvnih sortimenata od panja do kamionskog puta animalnom zapregom, odnosno tovarnim konjima dužan je o tome pismeno obavjestiti korisnika šuma i dostaviti podatke o angažovanom licu.
- Ukoliko se izvođač radova ne pridržava uslova propisanih ovim pravilnikom, korisnik šuma će blagovremeno obavjestiti Šumarsku inspekciju.

Član 10.

(Preduzeće i obrtničke djelatnosti)

Odredbе ovog pravilnika ne odnose se na Kantonalno javno preduzeće "Sarajevo-šume" d.o.o. Sarajevo i Kantonalnu javnu ustanovu za zaštićena prirodna područja Kantona Sarajevo koji gospodare državnim šumama i nosioci su aktivnosti iz člana 9. stav (1) ovog pravilnika i na obrtničke djelatnosti koje obavljaju poslove: primicanja, izvlačenja i iznošenja šumskih drvnih sortimenata animalima.

**DIO DRUGI - STRUČNI POSLOVI U PRIVATNIM ŠUMAMA**

Član 11.

(Stručni poslovi u privatnim šumama)

- (1) Pravno lice za obavljanje stručnih poslova u privatnim šumama je privredno društvo registrovano kod nadležnog suda za poslove šumarstva, koje posjeduje saglasnost Ministarstva.
- (2) Pravno lice za obavljanje stručnih poslova u privatnim šumama obavezno treba da:
  - a) posjeduje registraciju nadležnog suda sa upisanom djelatnošću u oblasti šumarstva,
  - b) ima uposlenog jednog diplomiranog inženjera šumarstva/Magistra šumarstva sa najmanje tri godine radnog staža u struci.

Član 12.

(Dostavljanje dokaza)

Pravno lice za dobijanje rješenja o ispunjavanju uslova za obavljanje stručnih poslova u privatnim šumama obavezni su da Ministarstvu dostave dokaze o:

- a) registraciji kod nadležnog suda,
- b) dokaz o upisu u registar poreskih obveznika - JIB,
- c) stalno uposlenim radnicima - obrazac M-2,
- d) stručnoj osposobljenosti uposlenih,
- e) o radnom stažu uposlenih.

Član 13.

(Stručna sprema za obavljanje stručnih poslova)

Pravno lice za obavljanje stručnih poslova u privatnim šumama o ispunjavanju uslova u pogledu stručne spreme iz člana 11. ovog pravilnika dokazuju: prilaganjem diplome nadležne institucije za obrazovanje.

Član 14.

(Kontrola ispunjavanja uslova)

- (1) Kontrolu ispunjavanja uslova propisanih ovim pravilnikom vršit će Šumarska inspekcija.
- (2) U slučaju da Šumarska inspekcija zapisnički ustanovi određene nepravilnosti, naložiće otklanjanje tih nepravilnosti u određenom roku, koji ne može biti duži od 45 dana, a u slučaju neotklanjanja tih nepravilnosti, u ostavljenom roku predložiće Ministarstvu ukidanje saglasnosti izvođaču kod koga su konstatovane nepravilnosti.
- (3) O svakom pojedinačnom slučaju stavljanja van snage Rješenja o davanju saglasnosti za izvođenje radova u šumarstvu Ministarstvo će blagovremeno obavijestiti korisnika šuma i šumskog zemljišta u državnom i privatnom vlasništvu i Šumarsku inspekciju.

Član 15.

(Usklađivanje djelatnosti)

Izvođači radova koji obavljaju radove iz člana 3. ovog pravilnika i pravno lice za obavljanje stručnih poslova u privatnim šumama obavezuju se da usklade svoju djelatnost s odredbama ovog pravilnika najkasnije u roku od šest mjeseci od dana njegovog stupanja na snagu.

Član 16.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-2109/14  
27. februara 2014. godine  
Sarajevo

Ministar  
Mr. sc. Emir Hrenovica, s. r.

**GRAD SARAJEVO**

**Gradsko vijeće**

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08), kao i na osnovu članova 14. i 15. Odluke o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajevo", broj 5/12), Gradsko vijeće Grada Sarajeva, na sjednici održanoj dana 26.02.2014. godine, donijelo je

**ODLUKU**

**O DODJELI KOLEKTIVNE "ŠESTOAPRILSKE NAGRADE GRADA SARAJEVA" U 2014. GODINI**

Član 1.

Dobitnik kolektivne "Šestoaprilске nagrade Grada Sarajeva" u 2014. godini u oblasti sporta je Nacionalna "A" selekcija Nogometnog/Fudbalskog saveza Bosne i Hercegovine.

Član 2.

Nagradu uručuje gradonačelnik Grada Sarajeva na svečanoj sjednici Gradskog vijeća Grada Sarajeva.

Član 3.

Kolektivna nagrada se dodjeljuje u obliku Povelje.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-396/14  
26. februara 2014. godine  
Sarajevo

Predsjedavajući  
Gradskog vijeća  
Sabahudin Delalić, s. r.

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08), kao i na osnovu članova 14. i 15. Odluke o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajevo", broj 5/12), Gradsko vijeće Grada Sarajeva, na sjednici održanoj dana 26.02.2014. godine, donijelo je

**ODLUKU**

**O DODJELI GRUPNE "ŠESTOAPRILSKE NAGRADE GRADA SARAJEVA" U 2014. GODINI**

Član 1.

Dobitnik grupne "Šestoaprilске nagrade Grada Sarajeva" u 2014. godini za doprinos u oblasti kulture su arhitekti Ferhad Mulabegović i Smajo Mulaomerović.

Član 2.

Nagradu uručuje gradonačelnik Grada Sarajeva na svečanoj sjednici Gradskog vijeća Grada Sarajeva.